



Jahresbricht zur 4. Generalversammlig vom 4. Novämber 2019

Clubjahr 2018/2019

Liebi Skiclubmitglieder + Skiclubvorstand

Ich begrüessä eu zur hüttigä Generealversammlig.

Es isch mer e freud, hüt a dem Mäntig zäme mit eu und minä Vorstandskollegä zum 4. mal D'Skiclub z'friedä GV dörfä abzhaltä .

Erfreulich isch, dass i nüt kritisches oder schlimms muess brichtä und das isch doch au guet so.

Also chum i grad guet glunt schnuerstracks zum Thema: „Es war einmal und es wird emal.“

Rückbetrachtig uf's 2019

Wie immer simmer im Februar zahlrich am 7. Februar mit äm legendäre Skitag vom Restaurant Friedä im Hoch Ybrig id Skisaison gstartet. Wiederholt än tollä Schneetag mit er ä perfektä Organisation vom Heinz.

Wetter schlecht, Stimmung gut, würd i mal sägä. Au i dä Laucherä Hütte und allnä andere Berghüttli am Berg häts gfägt.

Ebeso spöter am Abig im Restaurant Friedä bim feine Fondue wo Claudia und Ihres Hälferteam für eus vorbereitet händ. Vielä Dank!

Am 14. März , sind mir am Res Roth nach Adelbodä is Sportweekend gfolgt.

Wänns obä Schneit und unä schiff oder so ähnlich, sind mir im Uswichprogram bis spöt Nacht im Welctcupdörfli unterwägs gsi. Euses Hotel isch s'zäni gsi. Ein Skitag isch no mögli gsi, au wänn dä aktuell Schriber die mitbrachtä Brättli unverrichteter Dinge wieder hei uf Züri zruigg gno hät. Dankä Res fürs OK und allnä Kollegä wo a denä fröhliche Stundä mit debi gsi sind. Vielä Dank!

Dä 5.+ 6. April isch im Zeichä vom 20 Jährige Jubiläum vom Restaurant Friedä gstandä. Ä Schneebar und einigi Attraktionä und Kulinarikagebot sind ufbaut wordä. Dankä allnä Hälfere und Teilnehmer für es rauschends Fäscht. Vielä Dank!

Legänder , isch am 13. Juli äs wunderbars Summerfäscht im Schuelhuus Chäferholz bi eusem Kassier Res und sinerä Frau Sandra über D'bühnä gangä.
En ganz lässigä Nammitag bi schönem Wätter und mega feinem Ässä und wiederholt mit em Erich Reiser als Lotto Papscht . Es isch cheibä luschtig gsi.
Vielä Dank am Res und Sandra und allnä Teilnehmer.

Vor churzem am 18. Oktober isch Fonduetime gsi. Quasi Saisoneroöffnung für 2020.
Chäs und Service isch top gsi und dä Wy au. Dankä no dä Sponsorä für Wy und Schnaps.
Vielä Dank fürs Teilnä.

Dä gschäftlich Teil:

Mir händ 1 Vorstandssitzigä , 1 Revisorä Abig und 1 Generalversammlig.
1 Ustritt hämmer zverzeichnä und kein Neuitritt.
Dä Verein isch mit Mitglieder inkl. Vorstand mit 24 Personä guet bsetzt.
1 Platz isch momentan frei und nonig vergäh wordä.
Im Bereich Finanzä werdet Ihr nachher ghörä, das mir guet dastönd und mir isch sehr wichtig zu erwähnä, dass alli Mitglieder dä Mitgliederbiträg ohni Mahnigä rächtzietig izahlt händ. Das isch doch wiederholt bemerkenswert. Dankeschön !

S'Jahr 2020 i dä Vorschau:

Au im nöchschtä Jahr möchtät mir am 6. Februar wieder am Skitag vom Restaurant Frieden mitmachä.
Au euses Summerfäscht im Juli isch i dä Planig vorgseh.
Zudem hämmer im März vor , es verlängerets Skiweekend in Flums durezführe.

Alli Vorbereitige sind bereits agloffä und werdet nach dä GV uf dä Homepage www.zfriedae.ch uftauchä.

Ehrigä im 2019:

Es hät gradi und spezielli Geburtstäg gä:

- Pino Liserra , 50 Jahre
- Andreas Sandmann, 50 Jahre
- Richi Eschmann , 50 Jahre
- Andi Herger , 55 Jahre
- Ruedi Villiger , 60 Jahre
- Oski Meier , 66 Jahre. (Schnapszahl, jetzt fängt das Leben an.)

So, wänn mir die GV durä händ wartet im Aschluss äs feins Aesse uf eus alli.
Da freu mi jetzt scho druf und wünsch eu bereits jetzt än Guetä.

Eu liebiä Mitglieter und au dä Vorstandskollegä dankä ich ganz herzlich für D'unterstützig
und für D'frünschaft.

Fürs neue Jahr wünschä ich eu und Familie au im Namä vom Vorstand viel Elan, Gsundheit
und unfallfrei i Skitäg.

Dä Presidänt

A handwritten signature in black ink, appearing to read 'R. Eschmann', with a long, sweeping underline.

Richi Eschmann